

**Gielddaráđđehus**

**Áigi** 16.09.2019 dmu 13:00 - 15:50

**Báiki** Gielddadállu, gielddaráđđehusa čoahkkilatnja

**Giedahallojuvvon áššit**

<b>§</b>	<b>Bajilčála</b>	<b>Siidu</b>
102	Čoahkkima lágalašvuohta ja mearridanváldi	4
103	Beavdegirjji dárkkisteaddjiid válljen	5
104	Čoahkkima bargoortnega dohkkeheapmi	6
105	Dili geahčadeapmi	7
106	Gávppi nannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi	8
107	Birasuodjalaneiseválddi gielddaid gaskasaš ovttasbargu	9
108	Gieldaloana mieđiheapmi Ohcejoga Utsjoen Ursa ry:ai	12
109	Ráidodálloduktásaji oastin ja nuppi ráidodálloduktásaji várren	14
110	Duktásaji láigohanbivdda, Matti Lehtimäki	17
111	Lassieanaviidodat Gáregasnjárgga skuvlla ja beaiveruovttu duktásaji várás	18
112	Spiehkastanlohpeohcamuš	19
113	Iežas eretcealkin čuvgehuslávdegotti várrelahttovuođas, Laura Rauma	23
114	Doaibmaorgánaid mearrádusat	24
115	Ekonomiijageahčastat	25
116	Áššit diehtun	26
117	Váldostivrra čoahkkima 14.6.2019 ollašuhttin	28
118	Váldostivraálgga, Gáregasnjárgga SER/ŠEL-báiki	29
119	Plánendárbočoavddus/ Ohcejoga gielda	31
120	Ovddasteaddjiid nammadeapmi Lappi buohccedikšunbire vuodđodearvasvuodáfuolahusa ovttadaga stivrenjovkui	34

**Oassálastit**

	Namma	Diibmu	Bargu	Lassedieđut
Mielde	Tapiola Ilmari	13.00 - 15.45	Ráđđehusa ságadoalli	
	Kordelin Marjatta	13.00 - 15:30	Ráđđehusa várreságadoalli	
	Nuorgam Eeva	13.00 - 15.45	Lahttu	
	Porsanger Veikko	13.00 - 15.45	Lahttu	
	Koivisto Anni	13.00 - 15.45	Lahttu	
	Ahlakorpi Anni	13.00 - 15.45	žlahttu	
	Aikio Mika	13.00 - 15.45	Váldostivrra ságadoalli	
Poissa	Lukkari Sammol		Lahttu	
	Guttorm Rauna		Várrelahttu	
	Holma Lotta-Inkeri		Várrelahttu	
	Hekkanen Raimo		Várrelahttu	
	Valle Petteri		Várrelahttu	
	Laiti Niila		Várrelahttu	
	Nordberg Aulis		Várrelahttu	
	Lukkari Maritta		Várrelahttu	
Eará	Tieva-Niittyvuopio Vuokko	13.00 - 15.45	Gielddahoavda, áššegieđahalli	
	Länsman Marja	13.00 - 15.45	Beavdegirjedoalli	
	Aikio Esko	13.00 - 15.45	Dulka	

**Vuolláičállosat**Ilmari Tapiola  
ságadoalliMarja Länsman  
beavdegirjedoalli**Gieđahallojuvvon áššit**

102 - 120

**Beavdegirjji dárkkisteapmi**

Dárkkistanáigi 16.9.2019

Anni Ahlakorpi

Veikko Porsanger

**Beavdegirji lea dollojuvvon albmosis**

Gielddadállu, guovddášdoaimmahat 23.09.2019

Minna Lukkari  
almmuhantávvala dikšu

Čoahkkima lágalašvuohta ja mearridanváldi

Gr 16.09.2019 § 102

Čoahkkin gávnnavuvvo leat lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid välljen

Gr 16.09.2019 § 103

Válljejuvvojit čoahkkimii guokte beavdegirjedárkkisteaddji.

**Mearráduš:**

Beavdegirjedárkkisteaddjin välljejuvuiga Anni Ahlakorpi ja Veikko Porsanger.

Čoahkkima bargoortnega dohkkeheapmi

Gr 16.09.2019 § 104

**Evttohus:**

Gielddaráđdehus dohkkeha áššiid gieđahallanortnega čoahkkima evttohuslisttu mielde.

**Mearrádus:**

Ságadoalli evttohii, ahte lasseáššin gieđahallojit Váldostivrra 14.6.2019 čoahkkima ollašuhttin, Váldostivraálgga, Gáregasnjárgga SER-báiki, Plenendárbočoavddus / Ohcejoga gielda sihke Ovddasteaddjiid nammadeapmi Lappi buohccedikšunbire vuodđodearvvasvuodáfuolahusa ovttadaga stivrenjovkui.

Gieđahallanortnet dohkkehuvvui evttohuslisttu mielde ságadoalli evttohan lasseáššiiguin dievasmahttimiin.

Dili geahčadeapmi

Gr 16.09.2019 § 105

Gielddahoavda muitala áigeguovdilis áššiid birra.

**Evttohus:**

Merkejuvvo diehtun.

**Mearrádus:**

Merkejuvvui diehtun.

Gávppinannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 16.09.2019 § 106

Gildii leat bohtán 15 st gávppinannejeaddji giddodatluohpadanalmmuhusat, listu giddodatluohpadanalmmuhusain lea lassemateriálan. Giddodatluohpadanalmmuhusat leat oppalohkái oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa váidimiin hálddahasriektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

**Evttohus:**

Gielddaráđdehus merke diehtun gávppinannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppivuloš báikkiide.

**Mearrádus:**

Vuokko Tieva-Niittyvuopio ja Eeva Nuorgam almmuheigga iežaska leat easttalačča gieđahallat ášši. Merkejuvvui beavdegirjái, ahte soai eaba oassálastán ášši gieđahallamii.

Evttohus dohkkehuvvui.



Birassuodjalaneiseválddi giieldaid gaskasaš ovttasbargu

44/00.04.02/2019

Gr 16.09.2019 § 107

Giieldaid guovddášlihttu (Kuntaliitto) lea 3.10.2017 almmustahtán oktasašreivvestis ávžžuhan giieldaid ovttasbargui eiseválbargguid dikšumis. Giieldaid guovddášlihttu ávžžuha smávva giieldaid doarvái áššedovdamuša, sierraoahpuváldin-vejolašvuođaid ja bálvalusfálu dorvvasteami dihte ohealit giieldalágás oaivvilduvvon eaktodáhtolaš giieldaovttasbargui birassuodjalaneiseválddi bargguid dikšumis.

Giieldaid guovddášlihttu almmustahtán hálddajehallamat čujuhit, ahte birassuodjaleami eiseválbarggut dikšojuvvojit hui molsašuddi sturrosaš doaibmaovttadagain ja molsašuddi máhttin- ja skuvlenuođuin. Birassuodjalanovttadagat leat oppa riikkas sullii 150-175 st ja ovttadagain barget gaskamerálaččat 5,2 olbmo (mediána 3 olbmo). Birassuodjaleamis jo measta bealli giieldain dikšu barggu mángga giielda ovttasbargun.

Birassuodjaleami bargguid guoski láhkamearrádušat lassánit ja ođasmuvvet giivvis leavttuin. Nuppástusaid čuovggas ovttasbarggu ja áššedovdamuša viiddideami dárbbut bohte deattuhuvvat ovddežis. Giielda olbmuid ja doaibmamahárjeheadjiid gáibádušat birassuodjaleami eiseváldedoaimmaid guovdu leat maiddáit lassánan, ja eallinbirrasa guoski mearrádušat leat ovddeža ektui eanet guovddáš sajis giielda mearrádušdahkamis ja mearkkašahhtit giielda eallinfámu ovddeamis. Bargguid buorre dikšun gáibida mánggabealat máhttima ja vejolašvuođa fállat bálvalusaidda jođánisge tempoin proševttaid ovdánettiin. Seammás berre fuolahit eiseválddiid sorjjasmeahtunvuođas ja eastit áššiid šaddama persovnnalažžan. Nuppástusaide vástideapmi gáibida ovttasbarggu ja máhttima viiddideami.

Giieldalága (410/2015) 49 § mielde giieldat sáhttet soahpamuša vuođul dikšut bargguideaset ovttas. Giieldaid almmusvuoigatvuođalaš oktasašdoaibmama hámit leat oktasaš doaibmaorgána, oktasaš virgi, soahpamuš eiseválbargguid dikšumis ja giieldaidovttastupmi.

Anára gielda lea giieldaráđdehusa mearrádusa (76 §/2019) mielasáččat ráđđadallan 8.5.2019 Soađegili giieldain vejolašvuođas searvat Soađegili ja Muonio gaskasaš ovttasdoaibmansoahpamuša ollái. Go Anára ja Ohcejoga giieldain lea gustojeaddji soahpamuš birassuodjalanbargguid oktasaš lágideamis, lea Soađegili gielda ráđđadallan maiddáit Ohcejoga giieldain dáhtolašvuođas searvat ovttasdoaibmansoahpamuša ollái.

Anára ja Ohcejoga lassin Eanodaga gielda lea maiddá alba buktán dáhtolašvuoda searvat Soađegili ja Muonio gaskasaš ovttasdoaimanguovllu guoski ovttasdoaimansoahpamuša ollái. Dáin gielddain earet Ohcejogas, lea dahkkon mieđis mearrádus ovttasdoaimama álggaheamis.

Soađegili ja Muonio gielddaid gaskasaš soahpamuša mielde ovttasdoaimansoahpamuša ollái sáhttet searvat maiddá eará gielddat. Ordneapmi gáibida soahpamušgielddaid ná dievasmahtton soahpamuša. Soahpamuša nuppástuhttin eaktuda buhkaid soahppielddaid ideanttalaš mearrádusaid.

Gieldalága 51 § mielde: "Gielda sáhtá dikšut barggu ovttá dahje eanet gieldda bealis nu, ahte gielddain lea oktasaš doaimaorgána, mii vástida barggu dikšumiš. Barggu dikšu gieldda gohččut vástugieldan.

Gielddat sáhttet soahpat, ahte eará gielddat välljejit oasi oktasaš doaimaorgána lahtuin. Lágas mearriduvvon ovttasdoaimamis juohke gielddas lea doaimaorgánas unnimustá okta gieldda välljen lahttu.

Ovttasdoaiman Anára, Eanodaga, Muonio, Soađegili ja Ohcejoga gielddaid gaskkas livččii vejolaš álggahit 1.1.2020. Soahpamuša ulbmilin lea sihkarastit seammadássásaš ja goasttádusbeaktilis bálvalusat buot soahppielddain. Lassimateriálan leahkki soahpamušhápmosa lea gárvvistan Soađegili gielda birashoavda Teresa Ojala Soađegili ja Muonio gaskasaš soahpamuša vuodul. Soađegili ja Muonio gaskasaš soahpamuš lea fas ráhkaduvvon Gielddaid guovddášlihtu mállesoahpamušvuoduid vuodul (Gielddaid guovddášlihtu oktasašreive 3.10.2017). Soahpamušhápmosa gárvemii lea Anára gielddas oassálastán birasovttadaga hoavda Minna Saramo.

Go ovttasdoaimanguovllus leat mielde mánggat gielddat, lea hápmosis váldon vuhtii ee. goasttádusjuogu prinsihpat, juhkosa lahtuid mearrašuvvan sihke juhkosa ságadoallis ja várreságadoallis mearrideapmi. Viidu guovllu mielde maiddá olmmošresurssaid dárbu lassána. Ulbmilin lea, ahte bargovehkii gulašivččii birashoavda ja golbma birasdárkkisteaddji sihke dan lassin Soađegilis livčče dárbbalaš čáli- / hálldahusbálvalusat. Čáli- / hálldahusbálvlausaid dárbu lea árvvoštallon leat sullii 0,4 obj. Soađegilli vástugieldan vuoddudivččii ođđa dárbbalaš virggiid.

Bargoveagas birashoavda ja 1 birasdárkkisteaddji sajáiduvašeigga Soađegillái, 1 birasdárkkisteaddji Anára gildii ja 1 birasdárkkisteaddji jogo Muonio dahje Eanodaga gildii.

Buot gielddain bisošii doaimabáiki. Álgo golluárvvoštallon ja evttohus goluid juohkimis leat lassimateriálan.

#### **Evttohus:**

Gielddaráđdehus dohkkeha ja evttoha váldostivrii dohkkehit birassuodjalan ovttasdoaimbanguovllu vuodđudeami Soađegili, Muonio, Ohcejoga ja Eanodaga gielldaiguin ja dohkkeha dáfustis soahpamušhápmosa.

**Evttohus:**

Gielddaráđdehus dohkkeha ja evttoha ovddos váldostivrii dohkkeheami várás birassuodjaleami ovttasdoaimbanguovllu vuodđudeami Soađegili, Muoná, Ohcejoga ja Eanodaga gielldaiguin ovttas ja dohkkeha bealistis soahpamušhápmosa.

**Mearrádus:**

Evttohus dohkkehuvvui.

Juohkin

Váldostivra

Gieldaloana miediheapmi Ohcejoga Utsjoen Ursa ry:ai

60/00.04.04/2019

Gr 16.09.2019 § 108

Ohcejoga Utsjoen Ursa ry lea ohcan Davimus Lapin Leader ry:s ruhtadeami Árkatalaš áigevádjoleapmi -prošektii. Árkatalaš áigevádjoleapmi lea duottareatnamiidda sajáiduvvi vádjolanbálggis oktan informašuvdnatávvaliiguin. Informašuvdna- ja oahpistantávvalat bohtet bálgá gurii ráhpat 20 st QR-kodaiguin mat mitalit máilmmihistorjjá gárggiideamis. Távvaliid mitalusain buktojuvvo ovdan maiddái báikkálašhistorjá, báktevuođu ja duottareatnama hápmašuvvamis, davviguovlluid dálkkádaga, ealliid ja ássama historjá. Fierbmessiiduid duogášmuitlausaide lasihuvvojit maiddái sámekultuvrra myhtalaš čilgehusat máilmmi gárggiideamis. Čálalaš materiála giellan leat suoma-, sáme- ja eaŋgalsgiella. Prošeavtta dárkilut sisdoallu ja bálgá sajádat ovdanbukto čeahkkimis.

Prošeavtta ollisláš golut leat 58 700,75 euro, mas Leadera ossodat 35 880,49 euro, priváhta beliid ruđalaš ossodat 3 500,00 euro ja priváhta beliid eaktodáhtolaš ovttasbarggu ossodat 19 320,26 euro.

Ohcejoga Utsjoen Ursa ry dárbbáša gaskaboddosaš ruhtadeami prošeavtta ollašuhhtimii, ja ohcá Ohcejoga gielddas giieldaloana Leader-doarjaga vuostá 11 700,00 euro. Loatna máksojuvvo gildii ruovttoluotta prošeavtta gárvvásmuvadettin, go ohccojuvvon Leader-doarjja lea ožžojuvvon.

### **Evttohus:**

Gielddaráđdehus evttoha váldostivrii, ahte dat miedihha Ohcejoga girkostohpoovttastus ry:ai 11 700,00 euro sturrosaš giieldaloana čuovvováš loatnaeavttuiguin:

1. Loatna miedihuvvo dalán go miedis prošeaktamearrádus lea dahkkojuvvon.
2. Loatna lea eanemustá miedihuvvon doarjaga sturrosaš ja sisttisdoallá loana reanttu.
3. Loana reantu lea Euribor12mb + 1,5 % per annum.
4. Loanas miedihuvvo ruhtadanmearrádusa maŋŋá 1/3 ja loahpat prošeavtta ovdánemai mielde sierra ohcamušaid vuostá.
5. Mávssihanearit máksojuvvojit njuolgga gieldda kontui, dahje molssaevttolaččat loana galgá máksit ruovttoluotta vahku siste das, go mávssihaneari lea boahtán ohccái.
6. Loana lassebajidanohcamušat doaimmahuvvojit ovddidanassistentii ja seammás duođaštuvvojit prošeavtta plána mieldásaš ovdánan.
7. Velggolaš čatnasa geavahit prošeavtta veahkkeruđaid loana máksimii.

8. Gielddas lea vuoigatvuolta namuhit proševtta stivrenjovkui / áššedovdijovkui iežas ovddasteaddji.

**Mearrádus:**

Marjatta Kordelin evttohii, ahte gielda ii mieđit gieldaloana. Dálá dilis ii leat vuogálaš ahte gielda doaibmá bánkun. Evttohus ii guottihuvvon.

Evttohus dohkkehuvvui.

Juohkin

Váldostivra

Ráidodálloduktasaji oastin ja nuppi ráidodálloduktasaji várren

3/10.00.02/2017

Gr 16.09.2019 § 109

Antti Peltoniemi lae almmuhan gildii, ahte son hálida oastit láigodállun huksejuvvon čuožáhagaid várás čuovvovaš gustodeaddji sajádatláva mieldásaš duktásajiid Ohcejoga gieldda girkosiiddas. Oastinláhkai dalán ja nu jođánis álggaheami várás go vejolaš j. 2020 koartilis 46 AR 1 duktásajit 2 ja 3, Dán lassin Peltoniemi almmuha ahte hálida várret sajádatlávvaguovllus duktásaji RM1 koartil 47 raidodálu huksema várás j. 2021-2022.

Čuožáhagaid lea ulbmil ollašuhttit ovdasajis láigodállun, Peltoniemi lea ráđđádallan Áššama ruhtadan- ja ovddidanguovddáš, ARA:in prošeavtta ruhtadanordnedemiid birra.

Koartil 46, duktásajit 2 ja 3, lávvamerken ARI; viidodat oktiibuot 6042 m<sup>2</sup>. Huksenvuoigatvuohta  $e = 1510,5$  k-em<sup>2</sup>.

Huksendárkkisteaddji almmuheami mielde duktásadjái sáhtá ollašuhttit plána mieldásaš huksema njuolgga huksenlobiin, lávamieldásaččat.

Koartil 47, lávvamerken RM I; viidodat 3370 m<sup>2</sup>.  
Huksenvuoigatvuohta:  $e = 0,20 = 675$  k-em<sup>2</sup>.

Huksema sáhtá ollašuhttit áigumuša mielde RM lávvamerkema duktásadjái easka go lávvanuppástus lea ožžon lága fámu, dahje jos duktásadjái ostojuvvo dalán, de oamasteaddji sáhtá iežas gooasttádusain ohcat sajádatláva nuppástusa duktásaji oasis. Várren duktásadjái sáhtá leat evttoláš nu, ahte dan dohkkenáigi lea eanemustá guokte jagi.

Ohcejoga gielddastivra lea čoahkkimisttis 21.03.2018 § 7 mearridan, ahte njealjehashaddin meroštallo e-logu (beaktivuodálohku) mieldásaš geardenjealjehasbuhtadus, mii lea 40 euro/g-m<sup>2</sup>.

### **Lassevállmaštallan čoahkkimis:**

Fitnodatolmmoš Jussi Eiramo lea maiddá ráđđádallan gieldda ovddasteaddjiiguin ja ovdanbuktán iežas dáhtolašvuođa oastit huksenduktásaji koartilis 46 AR duktásajiid 2 ja 3. Fitnodatolmmoš lea ávžžuhuvvon dahkat gildii čálalaš ja virggálaš oastinfálaldaga, válmmaštallama álggaheami várás.

Eiramo lea doaimmahan gielddahovdii ja ráđđehusa ságadoallái čujuhuvvon šleađgaboastadieđu, mas son lea muitalan čađahan ráđđádallamiid birra duktásaji oastimis ja ođasmahtán ovdal

ságastallanvuloš duktásaji oastinfálaldaga. Reivvestis fitnodatolmmoš almmuha maiddá ahte lea vuolláičállán guovllu guoski lávensoahpamuša ja dan lassin son lea doaimmahan viidodahkii plánejuvvon vistti tevnnegiid giieldaráđđehusa gieđahallama várás.

Fámus leahkki lávvamerkema mielde duktásadjái oažžu hukset 1500 kem sturrosaš 1-gearddat ráidodálu. Plána mielásaš ja huksentevnne+ga mielásaš visti lea s. 2400 kem sturrosaš 3-gearddat geardedállu. Vai huksenprošeakta ollašuvvá gáibida dat láva nuppástuhttima. Gažaldatvuloš prošeakta gáibida lassin láva oppalaš geahčadeami.

Ohcejoga girkosiidda sajádatláva ođasmahttimis ja viiddideamis lea dahkkon soahpamuš ja lávenbarggu lea ulbmil álggahit ájahalakeahtá. Turismahuksema ja earáge huksema lassáneapmi gáibida lávenbarggu álggaheami ájahalakeahtá.

Dál láigovisttiid dárbu giieldas lea hui stuoris. Vássán čakča lea čájehan, ahte vistedilli lea gierdameahtun, gildii dárbbášuvvojit dalán ođđa láigovisttit.

Huksema oppalaš plána dárbu Ohcejoga Girkosiidii lea vealtameahtun lassánan huksendárbbu geažil. Girkosiidda guvlui dárbbášuvvo sajádatláva ođasmahttin ja viiddideapmi lassánan turisma bálvalusaid, láigovisttiid ja bearašdáluid huksema stivrema várás.

Dán muttus ii leat sivva nuppástuhttit ovttaskas duktásajiid lávvamearrádusaid sierra lávvasoahpamušaid vuodul. Dan lassin galgá vuhtii váldit, ahte gieldda láigo visttiid dárbu lea nu hohpolaš, ahte lea vealtameahtun, ahte vistehuksema sáhtá álggahit ájahalakeahtá.

#### **Evttohus:**

Giieldaráđđehus mearrida vuovdit máinnašuvvon duktásajiid Antti Peltoniemii vuodđuduvvon fitnodatsearvvi nammii 60.420,00 euro gávpehaddái ja várret duktásaji koartilis 47, lávvamerken RM I; viidodat 3370 m<sup>2</sup>. Huksenvuoigatvuohta:  $e = 0,20 = 675 \text{ g-em}^2$  evttolaččat, nu ahte várren lea fámus eanemustá guokte jagi.

#### **Čoahkkimis addojuvvon lasáhusevttohus:**

Giieldaráđđehus gáibida, ahte fitnodatolmmoš Eiramoin jotkkojuvvojit ráđđádallamat, vai su plánen vistti sáhtá sajuštit báikái, gos dat buorebut vuogáiduvvá oidnosii ja eará birra huksemii.

#### **Mearrádus:**

Evttohus ja čoahkkimis addojuvvon lasseevttohus  
dohkkehuvvojedje.

Juohkin

Gielddahoavda  
Antti Peltoniemi  
Jussi Eiramo  
Teknikkalaš doaimma



Duktásaji láigohanbivdda, Matti Lehtimäki

102/10.00.02/2018

Gr 16.09.2019 § 110

Matti Lehtimäki lea 15.8.2019 guođđán gildii láigohanbivdaga duktásajis, mii lea Girkosidda čoahkkebáikkis, Ohcejoga gieldda omastan eanasajis Rn:o 890-401-66-22, huksensajádatlávuvaguovllus koartilis 38, duktásadji 2. Lávvamerken AO, mii addá vejolašvuoda áigojuvvon ássanvistti huksemii.

Váldostivra lea nannen gv. lávvamerkemiid duktásajiid vuovdinhaddin 2,90 euro/m<sup>2</sup>. Duktásaji sturrodat lea s.1665 m<sup>2</sup>, dahjege gávpehatti vuodul jahkeláigun bohtá 241,42 €/jahki.

Gielddaráđdehus lea mearridanválddalaš ašši hárrái.

Válmmaštalai: huksendárkkisteaddji.

**Evttohus:**

Gielddaráđdehus mearrida láigohit gv. duktásaji nu mo gártii lea merkejuvvon ja váldostivra nannen távstta mielde.

**Mearrádus:**

Evttohus dohkkehuvvui.

Juohkin

Teknikkalaš doaibma

Lassieanaviidodat Gáregasnjárgga skuvlla ja beaiveruovttu duktásaji várás

28/10.00.01/2019

Gr 16.09.2019 § 111

Gieldda investerenprográmmas jahkái 2019 lea mearreruhtavárren 20.000 euro dárbbášuvvon lassieanaviidodaga skáhppomii Gáregasnjárgga skuvlla ja beaiveruovttu duktásadjái. Eanaviidodaga guoski gávpegirjehámus lea oaidninláhkai čoahkkimis .

**Evttohus:**

Gielddaráđđehus dohkkeha gávpegirjehápmosa ja fápmuda gielddahoavdda vuolláičállit gávpegirjjiid.

**Mearráduš:**

Vd. giddodathoavda Markku Porsanger muitalii ášši birra gielddaráđđehusa lahtuide.

Gielddaráđđehus mearridii sirdit ášši gieđahallama čuovvovaš čoahkkimii.

Juohkin

Teknikkalaš doaibma  
Gielddahoavda

Teknikkalaš lávdegoddi	§ 58	30.08.2019
Gielddaráđdehus	§ 112	16.09.2019

---

## Spiehkastanlohpeohcamuš

Teknlg 30.08.2019 § 58

Huksema guoski spiehkastanmearrádus

Ohcci Halttunen Juha

Huksensadji Ohcejohka, Girkosiida (890,401)  
Dállosadji: Aittikoski, RN:o 71:5Huksenáigumuš Luopmoviessu, geardeviidodat 166 k-m2 ja  
dállodoallovisti 36 k-m2.

Huksengiieldus dahje –ráddjehus

Eanageavahan- ja huksenlága 72 §:a 2 momeanta; huksen gáddeviidodagas, gos huksema ja eará anu plánemii válđoáššis gáddái doarjaleaddji luopmoássama ordnema várás lea dárbu huksema geažil, mii guovllus vuordimis. Dasa lassin meara dahje čázádaga gáddeviidodahkii gullelaš gáddeavádahkii ii oaččo hukset viesu almmá sajádatláva dahje dakkár riekteváikkuheadđi oppalašláva, mas lea erenomážit mearriduvvon oppalašláva dahje dan oasi geavaheamis huksenlobi miedihemi ággan.

Cealkámušat ja gullamat

Ohcejoga teknikkalaš lávdegoddi 30.8.2019, 58 §

Ránnját:  
Gullojuvvon ohcci álgagis

Ášši ovdanbuktin

Ohcci ohcá spiehkasteami Áitesavvona gáddesajádatláva mearrádusas, mas dállosaji Aittikoski 71:5 huksenvuoigatvuohtan lea merkejuvvon RA I ja 120 geardenjealjehasmehtera.

Huksensadji lea čujuhusas Deanugeaidnu 326

Guovlu gullá Deanu gáddeasseoppalašlávaidd Ohcejoga oassái, man lea dál gielddastivra nannen 20.5.2019.

Guovllus lea lassin gárvvistuvvon oppalašláva dárkilut eanageavaheami stivrenhápmi, nuppiin sániin Áitesavvona gáddesajádatlávva (28.10.2004), mas lea lágafápmu.

Teknikkalaš lávdegoddi

§ 58

30.08.2019

Giieldaráđđehus

§ 112

16.09.2019

Guvlui lea biddjon johtui gáddesajádatláva rievdadeapmi 6.6.2018 sajádatlávvan ja daid osiin gáddesajádatláva gomiheami várás. Oaidnimassii boahtti sajádatlávva váhápmosis lea gv. tontte huksenvuoigatvuohtan merkejuvvon RA I, **250 geardenjealjehasa**.

Eanageavahan- ja huksenlága 171 §:a mielde gielda sáhtta erenomáš siva geažil ohcamuša mielde mieđihit spiehkasteami dán lágas ásahuvvon dahje dan vuođu addojuvvon huksema dahje eará doaibmabiju guoski njuolggadusas, mearrádusas, gildosis dahje eará ráddjehusas.

Spiehkasteami ii goit oaččo mieđihit, jos dat:

- 1) dagaha hehttehusa lávva bargui, láva ollašuhttimii dahje guovlluid geavaheami eará ordnemii;
- 2) váttásmahtta luonddusuodjaleami mihttomeriid juksama;
- 3) váttásmahtta huksejuvvon birrasa suodjaleami guoski mihttomeriid juksama; dahje
- 4) doalvu váikkuhusaidis beales mearkkašahtti huksemii dahje muđui dagaha mearkkašahtti ollu vahátlaš biras- dahje eará váikkuhusaid.

Ovddabealde 2 momenantta 4 čuoggás oaivvilduvvon váikkuhusaidis beales mearkkašahtti huksemin ii adnojuvvo bieggafápmorusttega huksen sajádatlávvas industriija- dahje hámmanguovlun čujuhuvvon juo huksejuvvon guvlui.

Spiehkasteami ii sáhte mieđihit eanadatbargolobi guoski njuolggadusain iige 137 §:s ásahuvvon huksenlobi erenomáš eavttuin plánendárboguovllus.

Mearrádusa gieđahallan Teknikkalaš lávdegoddi

#### **Huksendárkkisteaddji mearrádusevttohus:**

Ohcejoga teknikkalaš lávdegoddi evttoha giieldaráđđehussii, ahte spiehkastanlohpi mieđihuvvo.

Dállosadjái guoski gáddehivvodaga guorahallan sihke ovtaveardásaš meannudeapmi eanaeaiggádiiguin leat áššit, mat váikkuhit mearrádussii.

Go váldojuvvo vuhtii gažaldatvuloš eanasaji ja vuođđodállosaji gátti mearri ja das dáhpáhuvvan huksen, sihke sajádatlávva mii lea barggu vuolde, projeavtta ollašuhttin ovddabealde máinnašuvvon eavttuiguin ii dagat hehttehusa lávva bargui dahje guovlluid

Teknikkalaš lávdegoddi  
Gielddaráđdehus

§ 58  
§ 112

30.08.2019  
16.09.2019

---

geavaheami eará ordnemii dahje váttásmahte luondduodjaleami ja huksejuvvon birrasa suodjaleami guoski mihttomeriid juksama. Projeakta ii maiddái doalvvo váikkuhusaidis beales mearkkašahtti huksemii iige muđuige dagat mearkkašahtti ollu vahátlaš birs-dahje eará váikkuhusaid.

### **Teknikkalaš lávdegotti mearrádus:**

Huksendárkkisteaddji mearrádusevttohus dohkkehuvvui.

Fámusorrun ja joatkkadoaimmat

Mearrádus 171 §:s oaivvilduvvon spiehkastanáššis addojuvvo albmosiibidjama maŋŋá.

MRL 174 §:a mielde mearrádus galgá doaimmahuvvot ohccái. Mearrádus dahje dan kopijja doaimmahuvvo maiddái eiseválddiide, mat mearriduvvojit ásahusain, ja daidda, geat leat dahkan cuigema áššis, sihke daidda, geat leat dan sierra bivdán.

Lassin gielda berre doaimmahit spiehkastanmearrádusa diehtun guovllu ELY-guovddáži dalán mearrádusa addima maŋŋá.

Dát spiehkastanmearrádus lea fámus guokte (2) jagi mearrádusa addinbeavvi rájes. Ovdal huksendoaimmaid álggaheami galgá ásahuvvon ortnega mielde ohcat huksenlobi ja oažžut duođaštusa spiehkastanmearrádusa lágafámus.

Lágafámolašvuodaduođaštusa, mii merkejuvvo spiehkastanmearrádussii, oažžu 30 beavve siste mearrádusa addimis Davvi-Suoma hálldahusrievtti girjenkantuvrras, gosa mearrádusa galgá dan várás doaimmahit.

Heivehuvvon vuoigatvuođarávvgat

Eanageavahan- ja huksenláhka 171§, 172§, 174§  
Eanageavahan- ja huksenásahus 87 §

### **NUPPÁSTUSOHCAN**

Dán mearrádussii oažžu ohcat nuppástusa váidimiin Davvi-Suoma hálldahusriektái.

Gr 16.09.2019 § 112

### **Evttohus:**

Gielddaráđdehus mieđiha spiehkastanlobi evttohusa mielde.

Beavdegirjji dárkkisteaddjit:

Teknikkalaš lávdegoddi	§ 58	30.08.2019
Gielddaráđđehus	§ 112	16.09.2019

---

**Mearrádus:**

Vd. giddodathoavda Markku Porsanger muitalii ášši birra gielddaráđđehusa lahtuide.

Evttohus dohkkehuvvui.

Juohkin

Teknikkalaš doaibma

ležas eretcealkin čuvgehuslávdegotti várrelahttovuođas, Laura Rauma

124/00.02.00/2018

Gr 16.09.2019 § 113

Laura Rauma lea almmuhan čálalaččat 3.9.2019 ahte cealká eret čuvgehuslávdegotti várrelahttovuođas báikkegottis fárrema dihtii.

**Evttohus:**

Gielddaráđđehus evttoha váldostivrii, ahte váldostivra mieđiha Laura Raumai earu čuvgehuslávdegotti várrelahttovuođas ja namuha odđa várrelahttu.

**Mearrádus:**

Evttohus dohkkehuvvui.

Juohkin

Váldostivra

Doaibmaorgánaid mearrádusat

Gr 16.09.2019 § 114

Lávdegottiid beavdegirjijt galget doaimmahuvvot gielddahovdii njealje beaivve siste beavdegirjji dárkkisteamis. Giieldaráđđehusas lea váldinvuoigatvuohta lávdegottiid, iežas juhkosa sihke vuollásaš stivrra ja virgehálddašeaddji mearrádusaide. Váldinmearrádusa sáhtta dahkat giieldaráđđehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimušta njulgengáibádusáiggi siste. Geavadis gielddahoavda manná lávdegottiid mearrádusaid čađa. Go giieldaráđđehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjijt diehtun ja seammás mearriduvvo, ahte váldinvuoigatvuohta ii geavahuvvo beavdegirjjiide gullevaž áššiin. Beavdegirjjiid kopijjat eai laktojuvvo giieldaráđđehusa beavdegirjái, muhto dat galget leat lahtuid geavaheamis giieldaráđđehusa čoahkkimiin.

Čuovvovaš doaibmaorgánaid beavdegirjijt leat oaidninláhkai čoahkinbáikkis:

Čuvgehuslávdegoddi 10.6.2019, Ealáhuslávdegoddi 10.6.2019, Teknihkalaš lávdegoddi 14.6.2019, Vuodđodorvolávdegoddi 17.6.2019 ja Teknihkalaš lávdegoddi 30.8.2019.

#### **Evttohus:**

Giieldaráđđehus merke diehtun doaibmaorgána dahkan mearrádusaid ja gávnaha, ahte GiieldaL 51 §:s meroštallon váldinvuoigatvuohta ii leat geavahuvvon.

#### **Mearrádus:**

Evttohus dohkkehuvvui.



Gielddaráđdehus

§ 115

16.09.2019

---

Ekonomiija geahčastat

Gr 16.09.2019 § 115

Gullat ekonomijadili birra.

**Evttohus:**

Merkejuvvo diehtun.

**Mearrádus:**

Merkejuvvui diehtun.

Áššit diehtun

Gr 16.09.2019 § 116

**Evttohus:**

Giieldaráđđehus merke diehtun bohtán čuovvovaš áššebáhpáriid:

EJB-guovddáš

- Geaidnodoalu ja johtolága plána 2019-2021
- Lohpi spiehkcasit luondusuodjalanlága (1096/1996) ruhtadannjuolggadusain
- Guovlluidegeavahanovttadat / Giieldajoavkkut ja bargujuohku 1.8.2019

Áel/Kela

- Vearromáhcamus váldo fuopmášupmai áigái bohtindoarjagis bohtun
- Suomi.fi buhte Katso-bálvalusa Kela áššiid dikšun bálvalusas
- Áigái bohtindorvoinfo; Ođđa fierbmesiiddut áigái bohtindoarjjaáššehasa bagadallamis
- Beaveruđa mearri vuodđuduvvá dás ovddos 12 mánotbaji bođuide
- Ožžotgo stuđerenbáikki? Oza áiggil oahppodoarjaga ja áššandoarjaga
- Čavčča oahppoloana sáhtta bajidit 1.8. rájes
- Doaibmahehttejuvnon olbmuid ovdduid máksin gildii
- Oza skuvlamátkedoarjaga áiggil
- Áigái bohtindorvoinfo; Vuoigatvuohta guhkesáiggebargguheami ealáhatdoarjagii viidu

Giieldaid guovddášlihttu /Kuntaliitto

- Oktasašreive 6/2019; Giieldaid máksinossodadat Giieldaid bargomárkanlágádusa 2018 nettogoluin
- Oktasašreive 7/2019, Kopiosto báddensoahpamušat jahkái 2019
- Oktasašreive 8/2019; Geaidnojohtoláhkka ođasmuvvá, gielddat berrejit ráhkkanit doaimmaide

Giieldabargoaddit

- Jagi 2019 ámmáovttastusskuvlemiidda sohppojuvnon nuppástusat/evttohusat

Lappi gearretriecti

- Mearrádus Geavu priváhtageainnus

Lappi lihttu

- Stivrra 27.5.2019 čoahkkima beavdegirji
- Gádjunlávdegotti 20.6.2019 čoahkkima beavdegirji

Lappi huksenárbi/ Lapin rakennusperinne

- Čakčačoahkkinbovdehus 7.9.2019

Lappi buohccedikšunbire

- Ovttastuvvanváldostivrra /Yhtymävaltuusto 13.6.2019 čoahkkima beavdegirji

Beavdegirjii dárkkisteaddjit:

Meahciráđdehus - Dutkan- ja lihkanlohpi iskkushuksehusaid sadjái bidjamii ja šaddočájánasváldimii Geavu luonddumeahcis  
- Dutkan- ja lihkanlohpi duottarbeaiveloddečuovvumii Lappi luondobálvalusaid guovllus  
- Dutkanlohpi čájánasváldimii ja lihcadeapmai álbmotmehciin ja luonddumehciin

Vuoigatvuodaministeriija - Mearrádus; Geardebuhtadus mii máksojuvvo Gielddaide válgagoluin jagi 2019 riikkabeaivveválggain ja jagi 2019 europarlamentaválggain

Soađegili gielda - Beavdegirjji válddus váldostivrra 11.6.2019 čoahkkimis § 85

Ohcejoga gielda - Ohcejoga gieldda čealkámuš Lappi gádjunlágádusa bálvalandásimearrádusas 2020-2023

**Mearrádus:**

Merkejuvvojedje diehtun.

Váldostivrra čoahkkima 14.6.2019 ollašuhttin

9/00.02.00/2019

Gr 16.09.2019 § 117

Gieldalága mielde gielddaráđđehus vástida váldostivrra mearrádusaid lágalašvuoda bearráigeahččamis.

Jos gielddaráđđehus oaidná, ahte váldostivrra mearrádus lea dahkkon boastto ortnegis dahje manná váldostivrra doaimaválddi badjel dahje muđui lea lága vuostá, gielddaráđđehus berre guođdit mearrádusa ollašuhkeahhtá. Ášši galgá dalán bidjat váldostivrii ođđasit gieđahallamii.

Čuovusin váldostivrra čoahkkima áššelistu. Váldostivrra mearrádusat leamašan oaidninláhkai 25.6.2019.

**Evttohus:**

Gielddaráđđehus gávnaha, ahte váldostivrra mearrádusat leat lágalaččat ja ollašuhhtingelbbolaččat. Gielddaráđđehus ollašuhtá daid.

**Mearrádus:**

Evttohus dohkkehuvvui.

Čuvvosat

Čuovus 1 Váldostivrra 14.6.2019 čoahkkinbovdehus

Gielddaráđđehus	§ 94	03.06.2019
Teknikkalaš lávdegoddi	§ 38	14.06.2019
Gielddaráđđehus	§ 118	16.09.2019

---

Váldostivraálgga, Gáregasnjárgga SER/ŠEL-báiki

68/00.01.02/2018

Gr 03.06.2019 § 94

Váldostivrii lea 20.5.2019 doaimmahuvvon áirras Ismo Mannisa vuolláičállán váldostivraálgga mii guoská Gáregasnjárgga SER-báikki huksema.

Gieldda hálddahunjuolggadusa 122 §:a mielde váldostivraálgaga galgá dan dađi eanet gieđahalakeahttá sáddet gielddaráđđehusa válmmaštallama láhkai. Váldostivra sáhtta mearridit, ahte álgagis oaivvilduvvon ášši válmmaštallama birra čađahuvvo sáttaságastallan.

**Evttohus:**

Gielddaráđđehus sirdá ášši teknikkalaš lávdegoddi válmmaštallama láhkai.

**Mearráduš:**

Evttohus dohkkehuvvui.

Teknlg 14.06.2019 § 38

Gáregasnjárgga SER-báiki, Ylätenontie 308 lea merkejuvvon čoagginbáikin bázahusfuolahusregistarii. Merken birassuodjalanvuogá dahkii lea dahkkon 13.11.2018.

Vd. giddodathoavda lea jearran fálaaldaga sadjái biddjon SER-báikki birastahtti áidemateriálas sihke guovllu elektrifiseremis.

Teknikkalaš lávdegoddi lea čoahkkimistis 12.12.2018 § 77 gávnahan, ahte jotkkojuvvo proševtta válmmaštallan ja ollašuhttin eanasadjái 46-20, Ylätenontie 308.

**Evttohus:**

Teknikkalaš lávdegoddi evttoha gielddaráđđehussii, ahte Gáregasnjárgga SER-báiki sajuštuvvo Ohcejoga gieldda oamastan eatnamii, eanasadjái 890-403-46-20, mii lea Gáregasnjárgga skuvlla bálddas.

**Mearráduš:**

Evttohus dohkkehuvvui.

Beavdegirjji dárkkisteaddjit:

Gielddaráđđehus	§ 94	03.06.2019
Teknikkalaš lávdegoddi	§ 38	14.06.2019
Gielddaráđđehus	§ 118	16.09.2019

---

Gr 16.09.2019 § 118

**Evttohus:**

Gielddaráđđehus ságastallá áššis ja soahpá joatkkadoaimmain.

**Mearrádus:**

Vd. giddodathoavda Markku Porsanger čilgii ášši gielddaráđđehusa lahtuide.

Anni Koivisto evttohii, ahte ášši sirdojuvvo ruovttoluotta válmmaštallamii. Anni Ahlakorpi guottihii Anni Koivisto evttohusa.

Veikko Porsanger evttohii, ahte ášši čovdojuvvo dán čoahkkimis. Marjatta Kordelin guottihii Veikko Porsangera evttohusa.

Ságadoalli gávnnehii, ahte go čoahkkimis lea dahkkojuvvon guottihuvvon evttohus ášši sirdimis ruovttoluotta válmmaštallamii, de doaimmahuvvo nammačuorvunjienasteapmi, mas JAA lea ahte ášši giedahallan jotkojuvvo dán čoahkkimis ja II ahte ášši sirdojuvvo ruovttoluotta válmmaštallamii. Jienastanortnet dohkkehuvvui. Jienat addojedje oktiibuot 6, main JAA jienat 2 (Marjatta Kordelin, Veikko Porsanger) ja II jienat 4 (Eeva Nuorgam, Anni Koivisto, Anni Ahlakorpi, Ilmari Tapiola). Jienasteami vuođul gielddaráđđehus mearridii, ahte ášši sirdojuvvo ruovttoluotta válmmaštallamii. Gielddaráđđehus gáibidii, ahte ášši galgá válmmaštallat gielddaráđđehussii ovdal vássi jagi loahpa. Válmmaštallamis galget váldojuvvot vuhtii SER/šleađga ja elektrovdnalámboriid-báikki molssaevttolaš sajuštanbáikkid.

Merkejuvvoi beavdegirjái, ahte Marjatta Kordelin guđii čoahkkima mearrádusa dahkama maŋŋá diibmu 15.30.

Juohkin

Teknikkalaš doaibma

Teknikkalaš lávdegoddi

§ 43

14.06.2019

Gielddaráđđehus

§ 119

16.09.2019

Plánendárbočoavddus/ Ohcejoga gielda

Teknlg 14.06.2019 § 43

Ohcejohnjálmmi mánggadoaimmadálu /-skuvlla  
plánendárbočoavddus

OHCEJOGA GIELDA

PL 41

99981 OHCEJOHKA

Tel. 040 1886111

MEARRÁDUS

Addojuvvon albmosiibidjama

máŋŋá 20.5.2011

(gieđahallon tekn.lg

čoahkkimis 14.6.2019

ÁŠŠI

Huksema guoski plánendárbočoavddus

OHCCI

Ohcejoga gielda/Sadjebálvalus/Čuvgehusdoaimma

HUKSENSADJI

Gielda: Ohcejohka

Gilli: Girkosiida (401)

Lávvaluovlu: Ohcejoga girkosiida huksensajádatlávva

Giddodat: Seitakivi RNr 66:22

Goartil/duktásadji:

Huksensaji/duktásaji viidodat: 52,0405 há

HUKSENPROŠEAKTA

Mánggadoaimmadálu—skuvlla huksen

HUKSENGIELDDUS DAHJE -RÁDDJEHUS

Dastttán Ohcejoga skuvlaguovddáža lahkosi ja seamma doaimmanbirrasii boahhti ođđa mánggadoaimma-/skuvlavisti bohtá sajáiduvvat Skuvlaguovllu lávva merkema YO (oahppandoaimma bálvleaddji visttiid goartilguovllu olggobeallai, muhto seamma doaimmanbirrasii, nuppiin sániin skuvlla lihkadansajiid guvlui VU (valástallan- ja virkkosmanbálvalusaid guovlu).

CEALKÁMUŠAT

Eai cealkámušat

GULLAN

DAHKKON CUIGEMAT

Teknikkalaš lávdegoddi	§ 43	14.06.2019
Gielddaráđđehus	§ 119	16.09.2019

---

Eai dahkkon cuigemat

Vuođustusat: Prošeavtta ollašuhttin ii dagat hehttehusa lávadahkamii dahje guovlluid geavaheami eará ortnemii, ii dagat vahátlaš servodatovdáneami, lea heivvolaš oidnosa dáfus iige váttásmahte erenoamáš luondo- dahje kulturbirrasa árvvuid seailuheami iige virkkosmandárbbuid doarvvasteami. Prošeakta ii maiddái doalvo váikkuhusaid dáfus mearkašahtti huksemii iige muđuige dagat mearkašahtti vahátlaš biras- dahje eará váikkuhusaid.

Fápmoáigi ja joatkkadoaimmat

Dát mearrádus lea fámus 1 jagi mearrádusa addinbeaivve rájes. Ovdal huksendoaimmaide álgima galgá ohcat addojuvvon ortnegis huksenlobi ja galgá oazžut duođaštusa mearrádusa lágafámolašvuođas. Mearrádussii merkejuvvon lágafámolašvuođa-duođaštusa oazžu 30 beaivvi geažes mearrádusa addimis Roavvenjárgga hálddahušrievtti registrerenkantuvrras, gosa mearrádusa galgá dađe várás doaimmahit.

Heivehuvvon riekerávvgat

Eanageavahan- ja huksenlága 137 § 1. Ja 4. Momeanta.

NUPPÁSTUSOHCAN

Dán mearrádussii sáhtta ohcat nuppástusa váidimin Roavvenjárgga hálddahušriektái.

Váidinčujuhus lea čuovusin.

Huksendárkkisteaddji Markku Porsanger

ČUVVOSAT

Huksensaji čujuheaddji sajádatgárta  
Sajádattevnet  
Gártaválddus Ohcejoga girkosiidda guovllu  
huksensajádatlávas  
Váidinčujuhus

JUOHKIN

Mearrádus Ohccái

Kopiiija Lappi birasguovddáš/Lapin ympäristökeskus



Teknikkalaš lávdegoddi	§ 43	14.06.2019
Gielddaráđdehus	§ 119	16.09.2019

---

**Evttohus:**

Teknikkalaš lávdegoddi dohkkeha plánendárbočovdosa (Tekn Ig. stivrennjuolggadus) ja gávnaha, ahte mearrádus deavdá sajádatlávema gáibidan plánengáibádusa. Nuppástus dárbui boahitet merket Ohcejoga girkosidda sajádatlávvi guovlun YO dainna osiin go huksen guoská dálá VU guovllu.

**Mearrádus:**

Evttohus dohkkehuvvui.

Gr 16.09.2019 § 119

**Evttohus:**

Gielddaráđdehus dohkkeha plánendárbočovdosa teknikkalaš lávdegotti evttohusa mielde.

**Mearrádus:**

Evttohus dohkkehuvvui.

Juohkin

Teknikkalaš doaibma

Ovddasteaddjiid nammadeapmi Lappi buohccedikšunbire vuodđodearvvasvuodáfuolahusa ovttadaga stivrenjovkui

68/00.04.02/2019

Gr 16.09.2019 § 120

Vuodđodearvvasvuodáfuolahusa ovttadaga stivrenjoavku lea nammaduvvon Lappi buohccedikšunbire stivrra mearrádusain 25.4.2012. Ovttastupmestivra lea beaividan stivrenjoavkku čoahku mearrádusainis 19.12.2013 ja vuoigadahtán mearrádusainis 25.2.2015 buohccedikšunbire hoavdda mearridit dárbbášlaš dieavasmahttimiin ja nuppástusain stivrenjoavkku čohkkui. Mearrádussii lea girjejuvvon, ahte stivrenjoavkkus galggašii leat juohke organisašuvnnas, mii ordne bálvalusaid mielde sosiála - ja dearvvasvuodáfuolahusa áššiid mearrádusdahkamii válmmaštalli / ovdanbukti olmmoš. Lahtut leat nammaduvvon virggi dahje doaimma mielde earet ságadoalli.

Vuodđodearvvasvuodáfuolahusa stivrenjoavku čoahkkani 29.8.2019. Čoahkkimis gávnnavuvui, ahte stivrenjoavkku čoahku beaivideapmai leat buorit sivat. Stivrenjoavku dohkkehii evttohuvvon meannudanvuodgi, mas lahttogielddaide ja eará čanusjoavkkuide sáddejuvvo jearahallan stivrenjoavkku čoahku beaivideamis. Stivrenjoavkkus ságastallojuvvui álgui, ahte ságadoalli välljejuvvošii Roavvenjargga ovddasteaddjiin, I várreságadoalli Nuorta-Lappi ovddasteaddjiin ja II ságadoalli Oarje-Lappi ovddasteaddjiin, jos dat gielddaide heive. Ságadoallit välljejuvvošedje VDF/PTH-ovttadaga stivrenjoavkku čuovvovaš čoahkkimis go ođđa čoahkku čoahkkana.

Lahttogielddaid ja eará čanusjoavkkuid bivdit almmuhit ovddasteaddjiideaset virge- dahje doaibmanamahussan vuodđodearvvasvuodáfuolahusa ovttadaga stivrenjoavkku lahttun ja várrelahttun 27.9.2019 rádjai. Seamma oktavuodas bivdojuvvo usttlaččat almmuhit maiddá dál áo. virggi dahje doaimma dikšu nama.

#### **Evttohus:**

Gielddaráđdehus nammada stivrenjoavkku lahttun vuodđodorvohoavdda (vd. Karoliina Hjelm) sihke várrelahttun dikšunbarggu hoavdda (Päivi Kontio).

#### **Mearrádus:**

Evttohus dohkkehuvvui.

Juohkin

Lappi buohccedikšunbire  
Nammaduvvon henkilöt

**Nuppástusohcangildosat**

<b>Gildosiid vuodđu</b>	Čuovvovaš mearrádusain ii oaččo dahkat giieldalága 136 § mielde vuigengáibádusa iige gieldaváidaga, dasgo mearrádus guoská dušše válmmaštallama dahje ollašuhttima: Paragráfat 102, 103, 104, 105, 107, 108, 111, 113, 114, 115, 116, 117, 118
	Daningo mearrádusas sáhhtá dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragráfat 106, 109, 110, 120
	Hálddahasgearregastinlága (HallintolainkäyttöL) 5 § / eará lálkaásahusa mielde čuovvovaš mearrádusaide ii oaččo ohat nuppástusa váidimiin. Paragráfat ja váidingildosiid vuodđu

**Vuigengáibádusrávvagat**

<b>Vuigen- gáibádus- virge- oapmahaš ja váidin- áigi</b>	Čuovvovaš mearrádusaide duhtameahtun sáhhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus:  <b>Ohcejoga gielddaráđdehus PL 41 99981 Ohcejohka</b>  Paragráfat 106, 109, 110, 120  Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusaiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninlálkai almmolaš diehtofierpmádahkii.
<b>Vuigen- gáibádusa sisdoallu</b>	Vuigengáibádusas galgá boahit ovdan gáibádus vuđđosiiguin ja dan galgá dahkki čállit vuollái.

**Váiddačujuhus**

<b>Váiddavir- geoapma- haš ja váidináigi</b>	Čuovvovaš mearrádusaide oažžu ohat nuppástusa čálalaš váidagiin. Vuigengáibádusas addojuvvon mearrádussii oažžu ohat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohat nuppástusa gieldaváidagiiguin maiddái áššáiosolaš sihke gieldda lahttu.
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU
	Giieldaváidda, paragráfat <span style="float: right;">Váidináigi 30 beavvi</span>
	Hálddahasváidda, paragráfat 112, 119 <span style="float: right;">Váidináigi beavvi</span>
	Eará váiddavirgeoapmahaš, čujuhus ja poastačujuhus Paragráfa <span style="float: right;">Váidináigi beavvi</span>
	<span style="float: right;">beavvi</span>
	<span style="float: right;">beavvi</span>
	Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldojuvvo lohku.

**Laktojuvvo beavdegirjái**

<b>Váiddagirji</b>	<p>Váiddagirjiis galgá almmuhit</p> <ul style="list-style-type: none"> <li>- váidi nama, poastačujhusa, ruovttugieldda ja telefonnummira</li> <li>- mearrádusa, masa ohcá nuppástusa</li> <li>- miltä osin päätöksestä valitetaan ja muutos, joka siihen vaaditaan tehtäväksi</li> <li>- nuppástusgáibádusa ákkaid</li> </ul> <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangieldda, poastačujhusa ja telefonnummára.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođaštusa das man beavve mearrádus lea addojuvvon diehtun dahje eará čilgehusa, man rájes váidináiggi galgá lohkat.</p>
<b>Váiddaáššegirjiid doaimmaheapmi</b>	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi maŋimus beaivi lea bassebeaivi, iehčanasvuodabeaivi, válborgebeaivi, juovla- dahje jonsotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas árgabeaivve dan maŋŋá. Iežas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođđit nu áiggi, ahte dat gerget boahit ovdal go váidináigi nohká.</p> <p>Váiddaáššegirjiid sáhtá doaimmahit maid: namma, čujuhus, poastačujuhus      Paragrafat</p> <p>Váiddaáššegirjiid galgá doaimmahit 1): namma, čujuhus, poastačujuhus      Paragrafat</p>
<b>Lasse-dieđut</b>	<p><b>Dárkilis vuigengáibádusráva/váiddačujuhus laktojuvvo beavdegirji váldosii.</b></p>

<sup>1)</sup> Jos doaimmahuvvo eará sadjái go váiddavirgeoapmahažžii.